

افغانستان تورکمر اوپوشمه سی (اتا) قورولیشیدن اساسی مقصد، بریتانیا ده بشه یاتکن افغانستان لیک تورکمر آره سیده بیر ترماق شکله علاقه اورنه تیش و شونده ی رابطه لرنی ایجاد ایتیب، بیر بیریدن اوزاقده قالگن، تورکمرنی یقینلشتیریش بولگن. شونینگدیک تورلی تشبثلر آرقه لی افغانستانلیک تورکی خلق نینگ تیل، مدنیت، تاریخ و فرهنگ لرینی تیریک سفش و رواجلنتیرش اوچون سعی و حرکت لرنی یولگه قویشنی اوز آدیگه مقصد ایتیب قویگن.

حاضرکی کونده بریتانیا ده مینگلجه افغانستان لیک تورکمر استقامت قیله دی. قانلری بیر، تیللری بیر، دللری بیر، دینلری بیر، مدنیت و فرهنگلری بیر، تاریخلری بیر، درد و المری بیر بولگن بو خلق بیر بیریدن اوزاقده قالیب کیتگن و حتا اوز لیکلری و کیملیکلرینی یوقاتیش و اونوتیش خوی و خواطر هم سزیله دی. شو نینگدیک، افغانستان ده کی حاضرکی حساس سیاسی و اجتماعی وضعیتده، باشقه قوم و ایلنلرگه قره گنده، تورکی خلقلرنی هلی گه چه هم تاریخ ده یوز بیرگن مصیبتلر نینگ شوم سایه سی ترک ایتگنچه یوق. تورکی خلقلر هلی هم، قلاق لیک و سواد سیز لیکده کون کیچیرماقده. تورکی خلقلر هلی هم اولکه لری نینگ سیاست، اقتصادی و اجتماعی ساحه لریده کیرکلی اورینلرینی تاپالگنچه یوق. بولرنینگ اوزلرینی تاریخی اورینلرینی قیته قولگه آلشلری اوچون بیرینچی اورینده اوز کیم لیک لرینی تانیب، بیرلشیشلری و بیردم بولیشلری ضرور و اوندن کیین زمان ایستکریگه ماس علم و فن واسطه سی بیلن اوز کیم لیکلرینی جمعیتده و جهان ده اثباتلن اوز اورین لرگه ایگه چیقیشلری درکار.

شو مدعا دن کیلیب چیقیب، بریتانیا ده استقامت قیله یاتکن افغانستانلیک تورکمر نینگ یقینلشتیریش یانیده، بریتانیاده موجود بولگن امکانیت لردن فایده له نیب، غربنده اوز اولکه لریدن اوزاقده قالگن یاشلریمیزنی اوز مدنیت و فرهنگلری بیلن تانیشتیریش هم برچه میز نینگ بورچیمیز و وظیفه میز دور. شو اوچون، بریتانیاده استقامت قیله یاتکن افغانستان تورکمرینینگ یاش اولاد لرینی اوقوو و علم اورگنیشگه ترغیبش و بو ساحه ده یاردم ایتش هم اوشبو اویشمه نینگ اساسی مقصدلریگه کیره دی.

شونینگ دیک بونی تاکید لش ضرور کی افغانستان تورکمری فرهنگی اوپوشمه سی (اتا) مستقل بیر مدنی و اجتماعی اوپوشمه بولیب، هیچ بیر سیاسی حزب، جریان و یا گروه گه تعلقی بولمه ی و هیچ بیر سیاسی گروه نینگ فکرو توشونچه سینی هم ترغیب قیلش غایه سی یوق. عینی دمه هیچ قنده ی سیاسی فعالیت لرنی یولگه قویش نییته ایمس. شونینگ دیک اوشبو اوپوشمه هیچ بیر سیاسی و اجتماعی گروه دن طرفدار لیک قیلمه گن حالده، هیچ بیر سیاسی و اجتماعی گروه و حزب بیلن قرشی هم ایمس. بلکه مطلقا بی طرفلیک غایه سیگه ایگه بولیب، هر قنده ی فکر و توشونچه لریدن قطعی نظر افغانستان لیک برچه تورکمر یوزبگه آچقیدیر و برچه نی قبول قیله دی. شونینگدیک افغانستان تورکمری اویشمه سی هیچ بیر دولت، گروه، حزب، تشکلات و سازمان تمانیدن مادی جهندن تامینلنمیدی و یاردم آلمیدی، و فقط و فقط اوز اعضالری نینگ مادی یاردملری بیلن اوز فعالیتلرینی یورغیزماقچی